



## UGOVOR

### o nabavci naftnih derivata

### UGOVORNE STRANE

1. **Državna regulatorna agencija za radijacijsku i nuklearnu sigurnost**, Sarajevo, Dubrovačka broj 6, ID broj: 4201357350000, koju zastupa direktor **Marinko Zeljko**, (u daljem tekstu: Ugovorni organ) sa jedne strane , i
2. **Hifa d.o.o. Tešanj** , Bukva broj 9, ID broj: 4218015000007 koju zastupa direktor **Muris Hadžimehić** (u daljem tekstu: Dobavljač).

#### Član 1.

Predmet ovog Ugovora je nabavka naftnih derivata, za potrebe Državne regulatorne agencije za radijacijsku i nuklearnu sigurnost .

Ugovor se zaključuje na osnovu provedenog postupka javne nabavke objavljenog na portalu javnih nabavki broj: **1321-7-1-6-3-1/20** od **18.02.2020.** godine.

Sastavni dio ovog Ugovora je prihvaćena Ponuda dobavljača broj: **PO431/2020** od **27.02.2020.** godine, sačinjena prema Specifikaciji iz tenderske dokumentacije.

Ukupna vrijednost ugovora **9953,75 KM** bez pdv-a .

#### Član 2.

Ugovorene strane su se sporazumjele da će, u periodu važenja ovog Ugovora, plaćanje vršiti na bazi maloprodajnih cijena u vrijeme isporuke i to ispostavljanjem mjesečne fakture, sa prilogom koji čine: evidencija pojedinačno isporučene količine, jedinična cijena goriva, registarske oznake vozila Agencije, datum sipanja, broj odobrenja sipanja, vrsta goriva, ime i prezime vozača i potpis vozača.

Mjesto isporuke naftnih derivata su benzinske pumpe Dobavljača.

### **Član 3.**

Ugovorni organ i Dobavljač su saglasni da Ugovor realizuju prema već definisanim uslovima u postupku konkurentskog zahtjeva za dostavu ponuda i to:

- 1) Ugovorni organ prema postupku konkurentskog zahtjeva i
- 2) Dobavljač, prema dostavljenoj ponudi i dokumentaciji sa preciziranim ponuđenim uslovima u prijavi na tender.

### **Član 4.**

Ugovorni organ zadržava pravo potpune ili djelimične realizacije nabavke, a u skladu sa Zakonom o javnim nabavkama Bosne i Hercegovine.

### **Član 5.**

Predmet ovog Ugovora podrazumijevaju se sljedeće robe po prihvaćenim cijenama sa uračunatim poreskim obavezama:  
*(prema obrazcu za cijenu ponude i prihvaćenoj ponudi).*

### **Član 6.**

Dobavljač se obavezuje da će sukcesivno isporučivati naftne derivate Ugovornom organu.

### **Član 7.**

- (1) Dobavljač se obavezuje da robu fakturiše po izvršenoj sukcesivnoj isporuci iste, te uz fakturu dostavlja Specifikaciju prodaje robe u kojoj su navedeni: benzinska stanica, broj fiskalnog računa, datum i vrijeme preuzimanja robe, registraske oznake vozila, količina preuzete robe, jedinična cijena i ukupan iznos računa, potvrđenu od strane Ugovornog organa
- (2) Dobavljač zadržava pravo promjene cijene zavisno od uslova nabavke na svjetskom tržištu i primjenu kursa KM/USD, te eventualne promjene zakonskih propisa o visini državnih dažbina ili uvođenju novih dažbina.
- (3) Ukoliko su u toku izvršenja ugovora, maloprodajne cijene na dan isporuke različite u odnosu na jedinične cijene iz prihvaćene ponude, dobavljač je obavezan obavjestiti Ugovorni organ o razlozima promjena cijena naftnih derivata i priložiti ovjerenu kopiju OPC obrasca ili važeći cjenovnik ovjeren od nadležne institucije a koji se odnosi na najbliže prodajno mjesto sjedištu Ugovornog organa, i datum, kao dokaz da je došlo do promjena cijena i to uz ispostavljenu fakturu.

## **Član 8.**

Dobavljač se obavezuje na efikasno izvršenje predmetne nabavke.  
U slučaju navodnog propusta Dobavljača da postupa po Ugovoru, Ugovorni organ utvrđuje razumni rok od 30 (trideset) dana za ispravku eventualnih propusta.

## **Član 9.**

Dobavljač se obavezuje da će predmetnu nabavku, izvršiti u skladu sa zahtjevom Ugovornog organa i da će odmah postupiti po eventualnim primjedbama Ugovornog organa, u pogledu nedostataka na ime kvaliteta izvršene nabavke.

## **Član 10.**

Dobavljaču se postavlja uslov da nema pravo da zapošljava, u svrhu izvršenja ovog Ugovora, fizička ili pravna lica koja su učestvovala u pripremi tenderske dokumentacije, ili su bila u svojstvu člana ili stručnog lica koja je angažovala Komisija za javne nabavke, nadležna za dodjelu ovog Ugovora, najmanje šest mjeseci po zaključenju Ugovora.

## **Član 11.**

Ugovorni organ se obavezuje na uslove i način plaćanja u roku od 30 (trideset) dana od momenta dostave fakture.

## **Član 12.**

Ponuda Dobavljača na temelju koje je sačinjen ovaj Ugovor, čini sastavni dio istog.

## **Član 13.**

Ovaj Ugovor se zaključuje na period od 12 mjeseci od dana potpisivanja istog.

## **Član 14.**

- (1) U slučaju da Dobavljač povremeno nije u stanju izvršiti ugovorenu isporuku za Ugovorni organ, isti se obavezuje nadoknaditi, po tom osnovu stvarne troškove, koje je imao Ugovorni organ.
- (2) Ukoliko Ugovorni organ ocijeni da Dobavljač nije u stanju kontinuirano i kvalitetno izvršiti preuzete obaveze sukcesivne isporuke roba iz člana 1. ovog Ugovora, jednostrano će, bez njegove suglasnosti, otkazati ovaj Ugovor.

## Član 15.

Sve eventualno nastale sporove pri realizaciji ovog Ugovora, Ugovorne strane će rješavati sporazumnim putem, u protivnom, ugovara se nadležnost Opštinskog suda u Sarajevu.

## Član 16.

Za sve što nije regulisano ovim Ugovorom, primjenjivaće se odredbe Zakona o obligacionim odnosima.


## Član 17.

Ovaj Ugovor stupa na snagu danom potpisivanja obje Ugovorne strane.

## Član 18.


Ugovor je sačinjen u 4 (četiri) istovjetnih primjeraka, od čega svaka Ugovorna strana zadržava po 2 (dva) primjerka.

Državna regulatorna agencija  
za radijacijsku i nuklearnu sigurnost

  
Marinko Zeljko  
Broj : 04-16-15-322/20  
Datum : 05.03.2020.

Hifa d.o.o.

Muris Hadžimehić



Broj: PIRP/2020  
Datum: 15.03.2020.